

Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Ab joi mou lo vers e-l comens > Tradizione manoscritta > CANZONIERE B > Edizione diplomatica

Edizione diplomatica

image not found https://letteraturaeuropea.let.uniroma1.it/?q=sites/default/files/styles/330px/public/B%20%283%29_0.jpeg&itok=hD9Aa7NR	Bernartz de uentedorn. AB ioi mou lo uers el comens. (et)
--	--

image not found

https://letteraturaeuropea.let.uniroma1.it/?q=sites/default/files/styles/330_px/public/B%20%284%29_0.jpeg&itok=_c1AT_wM


ab ioi reman efenis. e sol que bona fos
la fis. bos cre qer lo comenssamens. per
la bona comenssanssa. Mi uen iois et
alegranssa. ep(er)so dei la bona fin grazir.
car totz bons faitz uei lauzar al fenir.

Si mapodera iois em uens. Merauil-
las fauc car soffris. Q(ue) non chan enon
esbruis. cella don sui gais e iauzens.
mas greu ueiretz finamanssa. Ses paor
e ses doptanssa. cades tem hom uas so
cama faillir. p(er) qieu nomaus de prei
ar en ardir.

Ben estai a dompna ardimens. entra-
uols gens emals uezis. car sarditz
cors no la fortis. greu pot esser pros ni
ualens. p(er) qieul prec naia me(m)branssa.
la bella en cui ai fianssa. Q(ue) nois camie
p(er) paraulas nis uir. Qenemics qai faz
denueia morir.

Non es enois ni faillimens. ni uila-
nia somes uis. Mas dome qan se fai
de uis. datrui amor ni conoissens. eno
ios equeus enanssa. car faitz enoi epe-
sanssa. chascus se deu de son mestier
formir. Mi confondetz e uos non uei
gauzir.

Duna ren maonda mos sens. Qanc
nuills hom mon ioi nomenquis. Q(ue)u
uolontiers nolen mentis. car no(m) par

	bos enseignamens. anz es foillia (et) enfanssa. Qui damor a benananssa nin uol son cor ad autre descobrir. Si no len pot o ualer o servir.
	Anc sa bella bocha rizens. non cuiei baisan me trahis. car ab un doutz baisar maucis. Si ab autre no mes guirens. catretal mes p(er) semblansa. cum de pelahus la lanssa. Q(ue) del sieu colp non podia hom guerir. Si outra uetz no sen fezes ferir.
	Bella dompna uostre cors gens. ell uostre beill huoill mant conquis. ell beill esgart elo clars uis. el uostre bons enseignamens. Q(ue) qan be men pren esmanssa. de beutat nous trob eganssa. la gensser etz del mon al mieu albir. o noi uei clar dels oills ab qeus remir.
	Bels uezers senes doptanssa. Sai q(ue)l uostre pretz auanssa. Q(ue) tans sabetz de plazers far e dir. de uos amar nois pot nuills hom sofrir.

- letto 444 volte